

Egei Sasafei Jonha Nalama Nei

Tawale Ta

Yesuha dabai degedi o olou feibe 12 kege. O tanou ta e huɓe Jon. Kuguo koɓume e nalai.

Damaledo, Jon e odo degemou, kuguo koɓu nalama, damaleyodei o sasai kediamokou nei.

Ta koɓumaha sibige tabe kou gue, Godiha dimokou solou do degei kaha degemou, dige diyou sie yogo tagaiba tagaiba deme.

Sibige tabe kou gue, nime ogou gai egei ke duye deba tawaihou. Ogou gai egei tobou di o kediage Godiha Dihi e hagueibe, o бага hagueli meiyode tobolou idi. Kegeligi, di ogou gai ta kegei kokou damaleyodele iye.

Godiha ta kuguo olou fei Jonha nalagaibe kuhe:

Ta Uwo Bolofei Jonha Nalai

Egei Sasafei Jonha Nalama Nei

Egei Sasama Jonha Nalama Nei

Egei Koma Jonha Nalama Nei

Mogogou Ta Yesu Kelesuha Jonkou Hegi

Kuguo 1 Jon koɓumaha ta sibige tanou tanou olou feibe kuhe:

Ta Hiye 1:1-3:10

Di hohoya kenou suluguame, kegeligi hu-
liaya suluguadi o kedia di ogou gaiye.

Ta Hiye 3:11-5:21

Dige diyōu sie yogo tagaiba tagaiba deme.

**Di hohoya kenōu suluguame,
kegeligi huliaya suluguadi o
kediā di ogōu gaiye**

(Ta Hiye 1:1-3:10)

Fī gehe tofousogo tofolōu Ta ke tama degei*

¹ A n̄imokōu nalolū ko□ume fī gehe tofousogo tofolōu Ta, afudo yo□u kegenōu delei, ifine dala kuhe. Ta keme ei dulomōu, eiyōu ei dihoje dugu. Ei Ta kokōu duguomōu, ei dobogo□uye kugulo i.

² Damaledo, fī gehe keme tama degeimōu ei dugulo i. Ei duguomōu, n̄imokōu tama dege hehegie tobolōu idi keme yo□u tofousogo kegenōu dalale. Afudo eme yo□u e Aye Godibōu de dalali, habage tama degeimōu, ei dugulo i.

³ Ei kōu duguomōu, dulo i kenōu ei n̄imokōu kuhe hehegie tobolōu idi, n̄ine eibōu de fī tanōu degemabadomōu. Age dibe Aye Godibōu, e Dihi Yesu Kelesubōu de fī tanōu dege dalamebadomōu kuhe tobolōu.

⁴ Ei ta ko□u nalolū kaha yobe, di duledube hohō hiyedo degenōu dalamebadomōu kuhe nalolū.

Di hohoya kenōu suluguame

* **1: 1:0** Ta keme Yesu Kelesu yo□unōu. Na Jon 1:1-5 dugu.

⁵ Ta Yesu Kelesuha eimokou tobou mou dulo i keme ei nimokou tobolou kuhe. Godibe hoho hiyedo, emokou be huliya degei ta dala meido.

⁶ Dige dibe Godibou de fi tanou dege dalayode tobou maba, haba huliya ke kegenou suluguababe, ta di ke toboube gulokoudo, dibe Godiha ta damaledo keme ta seseiyo mei.

⁷ Kenou si di hoho, Yesu yofu dala sagaiya kenou suluguababe, di olou feibe fi tanou dege dalaguaba, Godiha Dihi Yesuha e kafei kahanou di midihou kasagai milou di kaha hebe ke togule muguba, dibe sibigi ta dalale mei.

⁸ Dibe midihou kasagai degediyo meiyode tobou babe, keme diyou sienou ogou golu. Ta damaledo ta keme di duledube ta dala meido.

⁹ Dige di midihou kasagai milou gadi ke kusigile tobou basi, Godiha gebe meiyodele. E degeiyenou si, dibe sibigi ta dalale mei, doudo o sajai degele. Yobe, Godi eme doudo milou di o. E degeleyodeibe damaledo degedi kaha degemou.

¹⁰ Godihage o dibe midihou kasagai milou di oyode kou tobou kaha degemou, haba di dibe midihou kasagai ta milou diyo meiyodeibabe, ta kahage Godibe ogou gadi oyodili. Di kege tobolou kaha sibigebe di duledube Godiha tabe ta dala mei.

2

Yesu Kelesu eme di dogou gudi

¹ M̄a sisigō diāma, n̄i midihō kasagai milouye domōu, ā t̄a koŋu kuhe n̄imokōu nalolu. Di o taha ta midihō kasagai milōu babe, di dogōu gulo sagai obe Aye Godibōu de dala. O keme Yesu Kelesu, Midihō Doūdo kenōu Degedi O.

² Yoŋunōu tolo i, Godiha di midihō kasagai kaha hebe kasagai ke igile muguyadomōu. Ē di dowoyenōu teli mei. Sa sibige o sasai olōu fejbōu de solōu do degemōu kuhe tei.

O Godi kōu tewe kahage Godiha midihonōu sesedi

³ Di Godiha t̄a, di dumabeedei ke dulo se-seibabe, dige dibe Godi kōu teweyode tawale ile.

⁴ O koyohage ē Godibe kōu teweyode tobōu maba, haba Godiha t̄a ta sese ho fogōu babe, eme ogōu ga tobōu di o. Godiha t̄a damaledo keme ē duledube ta dala meido.

⁵ O taha Godiha t̄a dulo seseibabe, eme Godiha solōu do degedi midihō ke tewe. Dibe o kegei ke sagai debabe, dige dibe Godibōu de dogōu guo daladade tawame.

⁶ O koyohage eme Godibōu de dogōu guo dalayode tobōu babe, ege Yesuha siei sagai kenōu tefele siayedei.

⁷ M̄a mogo diāma, t̄a ā nalolu koŋume ta gehe mei. T̄a di dumabeedei koŋume n̄i kōu dulo tawale hobogou kenōu. Damaledo, egei koŋume n̄i kōu dumōu hagulugi, ifine kegenōu dulo ili kuhe.

8 Haba, a nalolu koꝑumaha sibigebe gehe ta dala. Yesu e sumou, o sasaiye duguomou be, e siadi kaha sibigebe gehe ta dalayodele i. Haba nine damaleyodema suluguamou, o sasaiye duguo tawale ilibe, ni suluguane sibigebou dade tawale ili. Yobe, hulia mei degeimou, hoho tama degei dala kaha degemou.

9 O koyoha eme hoho kokou dalayode tobou maba, haba Godiha sosou kile o ta dafoubabe, eme hulia ke ta tou fogou li mei, yoꝑu huliakou kegenou dala.

10 O taha Godiha sosou kile o takou solou do degeibasi, eme hoho kokou nou dala kaha degemou, tefele dugu midihog kasagaiye haguba, mihikou fiyale mei.

11 Kenou si o koyoha Godiha sosou kile o ta dafoubabe, eme hulia kokou nou dala. Huliaya kenou sulugi, a kageiya ke ili keme, e ta tawaiyo mei, hulia kaha e dihog diou gu kaha degemou.

12 Ma sisigo diama, Godiha Yesuha huya ke midihog kasagai ni milou gadi ke gebe meiyodei. Kegei kaha degemou, a ta koꝑu nimokou kuhe nalolu.

13 Aye diama, o afudo delei, ifine yoꝑu kegenou dala keme ni kou tewe. Kegei kaha degemou, a ta koꝑu nimokou kuhe nalolu.

Gisiai diama, nige Tamaha nele ke gabai. Kegei kaha degemou, a ta koꝑu nimokou kuhe nalolu.

14 Sisigo diama, Aye Godibe ni kou tewe. Kegei kaha degemou, a ta kouu nimokou kuhe nalolu.

Aye diama, o afudo delei, ifine youu kegenou dala keme ni kou tewe. Kegei kaha degemou, a ta kouu nimokou kuhe nalolu.

Gisiai diama, nime neledo, haba Godiha tane ni duledu dalali, Tamaha nelebe ni gabai dala. Kegei kaha degemou, a ta kouu nimokou kuhe nalolu.

Di sa sibige kouumaha midihō ke tagadame-beedei

15 Nige sa sibige kouu tagadama. Sa sibige kouumaha midihō kene ta tagadama. O taha sa sibige kuokou ge degedi ke tagaibabe, eme Aye Godikou be hohō degeiyo mei.

16 Yobe, sa sibige kouumaha midihō olou fei, tou e tagadibou, dihoje duguo tagadibou, diou die hu hebele fogudibou keme Aye Godikou ge hagueli mei. Midihō kegei keme sa sibige kouumaha midihonou.

17 Sa sibige kouume mei degele. Sa sibige kouumaha midihone olou fei mei degele. O koyoha Godiha ta ke seseibasi, eme youu kegenou dalale, mei degele mei.

Kelesuha ho o kediamē haguasiei dalagua

18 Ma sisigo diama, uwage sawisieibe hafei degeli. Afuge Kelesuha ho obe* hagualeyode tobou mou ni kou dulo i. Kenou si o kegele

* **2:18 2:18** *Kelesuha ho obe bou taege 'antichrist'.*

ibe sũdo kōu haguasiei dalagua. Kegei kaha degemōu, dige uwage sawisiei keme hafei degelidade tawame.

¹⁹ O kediame afuge dibōu de kōu deleigueiye, haba diã di tōu fogōu fogōu yai. Kenōu si diame di sosōu do dege deleigueli mei. Di sosōu do delei debabe, ifine dibōu de dalagua. Diã di tōu fogōu fogōu yai kaha degemōu, dige diame di bi meiyode tawale ili.

²⁰ Kenōu si nime Duo Bolofeiha tōu mōu imōu, ta damaledo keme ni olou fei kōu tawale hobogou.

²¹ Age damaledo ta keme ni ta tawale iyo meidade tawalemōu kuhe nalouyo mei. Damaledo ta keme ni kōu tawale hobogou kaha degemōu, a nimokou kuhe nalou. Ta damaledo ta kokou gebe ogou gai ta tama degediyo mei.

²² Ogou gai ta tobou di o keme koyo? O kegei kaha Yesube Godiha makai o Kelesu* meiyode tobou di. Damaledo, o keme Kelesuha ho o, yobe ege Aye Godibou, e Dihi Kelesubou diliebe tobekou mugu dala kaha degemōu.

²³ O Godiha Dihi tobekou mugu kaha Aye Godine tobekou mugu dala. O taha Godiha Dihikou damaleyodeibabe, e Aye Godikou ne damaleyodei.

Duo Bolofeiha dimokou be ta damaledo ke hehegedi

* **2:22 2:22** Kelesube Godiha di mamouyadomou makai o.

24 Ta n̄i kōu dumōu haguei keme n̄i defeido tōu ma. Defeido tōu basi, n̄ime Aye Godibōu e Dihibōu de dalagua.

25 Godihā e Dihihāge dimokōu bi bolōdo ta nelamōu makai keme f̄i gehe, yo□u kegenōu dalale ke neleyodema makai.

26 Kuguo a n̄imokōu nalolu ko□umaha yobe kōu gue, n̄i ogōu gai egei duye deba tawaibōu dalamabadomōu a kuhe nalolu.

27 Kenōu si n̄i Duo Bolofei kōu moū. Godihā e Dihihā n̄imokōu neimōu, n̄ibōu de dogōu guo dala. Duo Bolofeihā dalali, n̄imokōu hehegieibasi, o tae ta n̄imokōu hehegile sagai mei. E hehegedibe gulokoubōu mei, damaledonōu. N̄ime e hehegiei sagai kegenōu Godihā Dihibōu de dogōu guo dalama.

Ifibe dibe Godihā sisigoye dalagua

28 Mā sisigo diama, n̄ime Yesubōu de dogōu guo dalama. Kege dalaguaba, e kuhe hagubasi, di guebōu sidifibōu ta degele mei, neledo dege tafalaguale.

29 N̄ige eme dōudo oyodei keme kōu tewe debabe, midihō dōudonōu milōu gadi o sasai kedīame Godihā sisigo degele idade tawale ile.

3

1 Bolōdo, Aye Godihā di tagalemōu, dimokōu solōu do degemōu, dibe e sisigoyodili. Damaledo, dibe Godihā e sisigo degei dalagua. Damaleyodili

mei o kediage dibe ta tawale iyo mei, dia Godi you ene ta tawale iyo mei kaha degemou.

² Ma mogo diama, dibe ifi Godiha sisigo degei dala. Habage, di kage dalale keme di ta tewe mei. Di tewebe kou guenou, Yesuha tama degele kelegebe, di e damaledo duguoba, e sagainou degele ile.

³ Yesuha haguale ke dia daladi o ta eme Godiha dihile kokou sibigi olou fei e duledu dala ke igile muguoba, Yesu sagai, sibigi mei kege dalalamou degeli.

⁴ Obe midihog kasagai milou gadi keme Godiha ta, di dumabeedei ke gobou di. Damaledo, midihog kasagai milou di keme Godiha ta dudiyo mei midihog.

⁵ Ni tewe, Yesuha hagueibe, di midihog kasagai ke togule mugulamou haguei. Kenou si eme midihog kasagibou mei.

⁶ O Yesubou de dogou guo dalayege midihog kasagai milou diyo mei. Midihog kasagai milou di o tahage Yesube duguli mei, haba tewe mei.

⁷ Ma sisigo diama, niou tawaibou, oe ni ogou gaiye. Midihog doudo milou mou siadi o keme doudo o, Yesu sagai dala.

⁸ Midihog kasagai milou gadi o kediam Tamaha bi. Yobe, Tamaha afudo midihog kasagai yomamou milou gamou hagulugi, ifine kegenou milou ga dala kaha. Godiha e Dihaha haguei kaha yobe Tamaha dabai degedi ke makoma mei degelamou haguei.

9 O Godihā sisigo degele i kediage midihō kasagai milōu diyo mei. Yobe, Godihā fibe die duledu dala kahā. O kegele i kediage midihō kasagaiibe ta milolōu sagai mei, diame Godihā sisigo degei dalagua kahā degemōu.

10 O koyobe Godihā dihi? Ha, o koyobe Tamaha dihi? Keme kōu gue, o midihō doudo ke milōu diyo mei o keme Godihā dihi mei, o keme Tamaha dihidade tawame. Haba, o Godihā sosōu diā tagadiyo mei o kene Godihā dihi mei, o kene Tamaha dihidade tawame.

Dige diyōu sie yogo tagaiba tagaiba deme

(Tā Hiye 3:11-5:21)

*Yesuhā dimokōu diyōu sie yogo tagaimōu
tagaimōu dedi midihō ke hegi*

11 Tā nī afu kōu dumōu hagueibe kōu gue, nīge nīōu sie yogo tagaiba tagaiba demabeedei.

12 Dibe o Kein sa dege daladame. Eme Tamaha bi kahā, e yoū e malā woumōu tolo i. Yobe, eme midihō kasagai milōu di o. Ha, e malābe midihō doudo milōu di o kahā degemōu.

13 Ma malā diāma, damaleyodili mei o kediā nīmokōu dafoubabe, nī hobōu kesigidama.

14 Di Godihā sosōu diā tagale idi kahā degemōu, di tewe, dibe todi midihō ke tōu fogōu mōu, fī gehe, yoū kegenōu dalale kebōu de daladadele idi. O koyohā Godihā sosōu diā taga ho fogōu babe, eme todi midihō kelenōu dala.

¹⁵ Damaḷedo, o koyoha Godiha sosou kile o takou dafoubabe, ɛme o wodi o ke sa degei. Ni kou tewe, o wodi o keme fi gehebou de dala mei.

¹⁶ Yesu e di dowoye tolo i kaha degemou, dige solou do degedi midihou kaha sibige ke tawame. Dine kenou tefele, Godiha sosou dia dowoye di tou hagikou seseguoba dia dogou gume. Tofigilene tabou mei.

¹⁷ O taha bi sudo dalali, mogo ta bi mei ke solou do ne ho fogou babe, ɛme Godiha solou do degedi midihobe tewe mei.

¹⁸ Ma sisigo diama, dige di mogo dia tagaliyo-debe taenou tobou dame. Di solou do degeba, diyou sie yogo dogou guba dogou guba deme. Keme damaḷedo tagadi midihou.

Damaleyodei o kedia Godiha dihile kokou neledo dege tafalagualenou

¹⁹ Dige di mogo dia damaḷedo tagaibabe, di tawalebe, dibe ta damaḷedo ke seselidade tawame. Kegeibasi, di Godiha dihile kokou hemele fiya dalagualenou.

²⁰ Kegeba, di duleduge di diyou sie ta soubane, di ta gue degedame. Yobe, Godihage di duledu dala olou fei keme kou tewe kaha degemou. Di fimaiibe huyadefeinou. E tewebe hiyedo folodo.

²¹ Ma mogo diama, di duleduge diyou sie ta sa ho fogou babe, dibe e dihile kokou neledo degele ile.

²² Kegeba, di bi ta neyedema Godikou diho baga tobou babe, ege dimokou nele. Yobe, di e ta dulo seselemou, e tagali sagai kenou degedi kaha degemou.

²³ Godiha e ta, di dumabeedei keme kou gue, di e Dihi Yesu Kelesukou damaleyodemaba, e hehegiediya ke dige diyou sie yogo tagaiba, tagaiba demabeedei.

²⁴ Kegemou, o koyoha Godiha ta ke dulo seseli debabe, eme Godibou de dogou guo dala. Haba Godibe ebou de dogou guo dala. Duo Bolofej, Godiha dimokou nei, ege Godibe dibou de dogou guo dala ke hehegiedi.

4

O tae Godiha tayodema tobou babe, nige defeido file duguma

¹ Ma mogo diama, ogou gai egei tobou di obe sud sa sa olou fei tefele dalagua. Kegei degemou, o taha eme Duo Bolofejha huya ke egei tobolou yode tobou babe, nige ta e tobolou keme defeido file duguma. Damaledo Godiha ta, ha Godiha ta mei deba.

² O koyohasi Godiha Duo Bolofejha huya ke egei tobolou? O ta ege Yesu Kelesube o baga hagueiyode tobou babe, nige Duo Bolofejibe ebou de daladade tawama.

³ Kenou si o taha Yesube o baga hagueiyode tobou ho fogou babe, eme Godiha bi mei. Fi kege molu keme Kelesuha ho o fimai. Ho o keme

hagualeyodeimōu n̄i kōu dulo i. Ifibe haguamōu, sa sibige kuokōu dala.

⁴ Ma sisigo diama, n̄ime Godiha bi. Nige ogou gai egei tobou di o kediamе gabai. Yobe Duo Bolofei, n̄i duledu dala ege sa sibige kaha hiye o kene kou gaba dala kaha degemou.

⁵ Ogou gai egei o kediamе sa sibige o, damaleyodele ili mei. Dia sa sibige kōumaha ta kenou tobolou imou be, sa sibige o sasai kediage die ta ke dulo idi.

⁶ Kenou si dibe Godiha bi. Godi kou tewe o sasai kediage di ta dulo idi. O Godiha bi mei kediage di ta dulo idiyo mei. Kokou gebe, di file duguo tawale ilibe, Duo Bolofeiha tou kediage damaledo ta dulo idi, haba duo tae tolu i kediage ogou gai egei tobou mou dulo idi.

O na Godi tagaibabe nogo diane tagayedei

⁷ Ma mogo diama, dige diyou sie yogo tagaiba tagaiba deme. Yobe, midihō kegei keme Godikou ge haguei. O yogo tagadi o keme Godiha dihi degei, eme Godi kou tewe.

⁸ Yogo tagadiyo mei o kediage Godibe tewe mei. Yobe, solou do degedi midihō keme Godikou ge haguei kaha degemou.

⁹ Godiha dimokou fi gehe ke nelamou, yōu e Dihido ke tobou mou, sa sibige kuokou kuhe haguei. Ke degei kahage, Godiha e solou do degedi midihō ke dimokou hegi.

10 Damaledo tagadi midihō keme dibukōu Godi tagali mei, Godihā ebukōu di tagalemōu, dimokōu solōu do degemōu, yoŋu e Dihi tobōu mōu, sa sibige kuokōu haguei, e toloba, midihō kasagai di milōu gadi kaha hebe ke igile muguyadomōu.

11 Ma mogo diama, Godihā dimokōu solōu do degei kaha degemōu, dine diyōu sie yogo tagaiba tagaiba deme.

12 O taege Godibe ta duguli mei. Kenōu si di diyōu sie yogo tagaiba tagaiba debabe, Godibe dibōu de dogōu guo dala. Dige e solōu do degedi midihō keme tewedo.

13 Godihā e Duo Bolofei ke dimokōu nei kaha degemōu, dibe Godibōu de dogōu guo dalaguamōu, haba Godine dibōu de dogōu guo daladade tawale ili.

14 Eige Aye Godihā di mamoyuyadomōu yoŋu e Dihi tobōu mōu, sa sa o sasai dimokōu haguei ke duguomōu kuhe hehegie tobolōu ili.

15 O koyohā Yesube Godihā Dihiyodema tama dege tobōu babe, Godibe ebōu de dogōu guo dala. Haba ene Godibōu de dogōu guo dala.

16 Kegemōu, Godihā dimokōu solōu do degedi keme di tawalemōu damaleyodele i.

Solōu do degedi midihō keme Godikōu genōu haguei. O koyohā yogo tagaleba, solōu do degedi midihō ke seseibabe, eme Godibōu de dogōu guo dala. Haba Godine ebōu de dogōu guo dala.

17 Dibe kegei dalababe, Godihā solōu do degedi midihō keme dibōu de dala. Kegeba, ta sale sawisiei kelegebe, di ta guē degele mei. Yobe, dibe sa sibigē kuokōu dalaye, kēnōu si dibe Yesu sagai dalagua kaha degemōu.

18 Godihā solōu do degedi midihō kē kōu tewe o kahaḡe Godikōu guē degediyo mei. Damaleḡo, dige Godihā solōu do degedi midihō kē tewedo debabe, di ta guē degele sagai mei. O guē degedi keme e hebe kasagai moloḡudademōu kuhe guē degedi. Ege Godihā emokōu solōu do degedi keme defejido ta tawadiyo mei.

19 Di diyōu sie yogo tagaimōu tagaimōu dele idibe, Godihā ebukōu dimokōu solōu do degei kaha degemōu kuhe degele idi.

20 O tahaḡ eme Godikōu hohō degeliyode tobōu maba, haba Godihā sosōu kile o ta dafoubabe, eme ogōu ga tobōu di o. Yobe, e o yoḡu kōu dugudi keme ta mogo degeiyo mei, haba Godi e duguyo mei keme ege ta tagale sagai mei kaha degemōu.

21 Kelesuhaḡ ta, di dumabeedei keme kōu gue, o koyohaḡ Godi tagaibabe, e Godihā sosōu diane tagayedei.

5

O damaleyodei o kediaḡe sa sibigē kaha nelebe gabai

1 O koyohaḡ Yesube Godihā makai o Kelesuyodema damaleyodeibabe, eme Godihā dihi degei

dala. Oyege di Ayekou hoho degeibabe, di Ayeha sisigo diamokou ne hoho degeli.

² Di Godikou hoho degeba, e ta seseibabe, di Godiha e sisigone tagalidade tawame.

³ Di Godikou hoho degeibabe, dibe e ta, di dumabeedei ke seseli. Godiha ta ke dulo sesedi kahage dimokou hagi ta nediyoy mei.

⁴ Yobe, Godiha sisigo degele i dibe sa sibige kaha nele keme gabai dalagua. Damaledo, di sa sibige kaha nelebe gabai dala, di Godikou damaleyodei kaha degemou.

Godiha Yesube yo[u] e Dihiyodema tama dege hegi

⁵ O koyohage sa sibige kaha nelebe gabai dala? Yesube Godiha Dihiyodema damaleyodei o kahanou si gabai dala.

⁶ Yesu Kelesu e hagua, fafeleya tofou ma sulugi, tolo imou, e kafei ke migi kaha dimokou hegibe, eme Godiha Dihiyodemou hegi. Talekou fafeleya tofou kahanou mei, e kafei kahane eme Godiha Dihiyodemou hegi. Haba, Duo Bolofei hane dimokou eme Godiha Dihiyodema tama dege hehegedi. Duo Bolofei eme damaledo ta kaha obou kaha degemou kuhe hehegedi.

⁷ Midiho kamadia kahage Yesube Godiha Dihiyodemou hegili.

⁸ Kamadia keme Duo Bolofei bou, huei bou, kafei bou de, dia sibige tanou be, Yesube Godiha Dihi.

⁹ O tahā yōū koū duguomoū du ke hehegie toboū moū be, di dulomoū damaleyodele idi. Haba, Godihā hehegie toboloū kahage oe toboloū keme gabai. Damaledo, Godihā Yesube ē Dihiyodemoū dimokoū koū hegi.

¹⁰ Godihā Dihikoū damaleyodei o kahage Godihā emokoū koū hehegiei keme ē duledube damaleyodei dala. O tahā Godihā hehegili ke damaleyode ho fogoū babe, ege Godibe gulokou toboū di oyodili. Yobe, ege Godihā yōū ē Dihiyodema tamado hehegili kokoū be ta damaleyodili mei kahā degemoū.

¹¹ Godihā dimokoū koū hegi kahā ē sibigebe koū gue, ē dimokoū fī gehē ke nei, di tofousogo tofousogo tofoū mabadomoū. Fī gehē keme Godihā Dihi emokoū ge haguei.

¹² O ta Godihā Dihiboū de dogoū guo dala keme fī gehē ke eboū de dala. Kenoū si o Godihā Dihiboū de ta dogoū guo dala mei keme fī gehēbe eboū de dala meido.

Dibe fī gehē, yōū kegenoū dalale keboū de daladade tawame

¹³ Godihā Dihikoū damaleyodei o sasai diama, nige nime fī gehē, yōū kegenoū dalale keboū de dalayode tawamabadomoū, ā tā koū kuhe nalolu.

¹⁴ Di Godi ē tagaiya kenoū diho bagā toboloū gibe, dige di toboloū keme ē koū duludade tawale

idi. Kegei kaha degemou, di ta gue degedame, emokou diho baga tobolou nou dalame.

¹⁵ Di tewe, di diho baga tobou mou be, ege dudi. Kegei kaha degemou, di emokou bi ta neyede tobolou gibe, bi keme di molojudade tawale idi.

¹⁶ Damaleyodei o tahage e yogoha midihou kasagai ta e wala tolo sagai mei ke milou ba dugubabe, e Godikou o yogo ke dogou guyedema diho baga tobou yedei. Kegeibasi, o yogo ke mihikou fiyale mei, fi gehe, yonu kegenou dalale kebou de tofolou. Age o wala tolo sagai midihou ke tobou yo mei. Midihou kasagai ta dala. Midihou kasagai ke milolou kahage tofigilenou, tofousogo ta tofolou sagai mei. Age eme kegei ke diho baga tobou yede tobou yo mei.

¹⁷ Midihou doudo mei keme midihou kasagainou. Kenou si midihou kasagai ilo kelebe o wala tolo sagai mei.

¹⁸ O sasai olou fei, Godiha sisigo degele i kediage midihou kasagai ke milou ga idiyo mei keme di kou tewe. Godiha Dihi enou si o kegei ke dia daladi. Tamahage makolo sagai meido.

¹⁹ Dibe Godiha sisigoyenou dala, kenou si sa sibige olou fei kofume Tamaha hayedu dala kene di kou tewe.

²⁰ Haba, di tewe, Godiha Dihi e haguamou, dimokou fimaj nej, di damaledo Godidade tawamabadomou. Neimou, dibe damaledo Godibou de dogou guo dalagua. Haba, Godiha

Dihi Yesu Kelesu ebōu dene dogōu guo dalagua.
Eme damaledo Godi, fi gehe, yoŋu kegenōu
dalale kaha obōu.

²¹Ma sisigo diama, nime ogōu gai godi kedīame
ahudo dege dalama.

Konai
Konai: Godihā Tā Bolofej New Testament
Nupela Testamen long tokples Konai long Niugini
copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 7 May 2025 from source files
dated 8 May 2025

8c47cab8-fc6e-524e-936f-c52eba70db94